

S A M Þ Y K K T

28

11. marz

um stjórn bæjarmálefna í Vestmannaeyjakaupstað.

1. gr.

Bæjarstjórn kaupstaðarins er skipuð 9 kjörnum bæjarfulltrúum. Þeir taka ákvarðanir á bæjarstjórnarfundum um þau málefni bæjarins, er til bæjarstjórnar koma. Bæjarstjóra er rétt og skylt að sitja fundi bæjarstjórnar. Hefur hann þar málfrelsi og tillögurétt, en ekki á hann þar atkvæðisrétt nema hann sé jafnframt bæjarfulltrúi.

2. gr.

Störf bæjarstjórnar eru þessi:

1. Hún fer með fjármál bæjarins. Hún kveður því á um lántökur handa bænum og gerir samninga um þau efni, gerir áætlanir um tekjur hans og gjöld hvert almanaksár og úrskurðar reikninga hans.

Eigi má greiða fé úr bæjarsjóði, nema heimild sé til þess í fjárhagsáætlun bæjarins eða annarri ákvörðun bæjarstjórnar.

2. Setur reglur um stjórn bæjarmála, þar á meðal um meðferð á eignum bæjarins, samkvæmt gildandi réttarreglum.
3. Kýs nefndir, bæjarráð, bæjarstjóra og endurskoðendur reikninga bæjarins, ákveður laun þeirra og annarra fastra starfsmanna bæjarins.
4. Fer með önnur þau mál, er til hennar koma að tilhlutun stjórnarvalda, nefnda eða bæjarráðs, og kemur fram fyrir bæjarins hönd um samninga og fyrirsvær bæjarins að öðru leyti, nema öðrum sé það falið.
5. Bæjarstjórn getur tekið til meðferðar hvert það málefni, sem bærinn varðar og réttilega er undir hana borið. Bæjarfulltrúum er heimilt að sjá bækur og skjöl bæjarins.

3. gr.

- I. Þessar fastanefndir skal bæjarstjórn kjósa með hlutfallskosningu til fjögurra ára í senn á fyrsta fundi eftir hverjar bæjarstjórnarkosningar:

Brunamálanefnd.

Fræðsluráð.

Barnaverndarnefnd.

- II. Enn fremur kýs bæjarstjórn með hlutfallskosningu, að því leyti sem þess er kostur, til eins árs í senn, á fyrsta fundi sínum í febrúar:

Byggingarnefnd.

Hafnarnefnd.

Framfærslunefnd.

Einn mann í sóttvarnarnefnd.

Einn mann í heilbrigðisnefnd.

Einn mann í verðlagsskrárnefnd.

Einn mann í fasteignamatsnefnd.

Kjörstjórnir samkvæmt fyrirmælum kosningalaga.

Alla þá menn, sem kjósa skal eftir þessari grein, má endurkjósa.

4. gr.

Bæjarstjórn getur skipað í sérstakar nefndir (lausanefndir) til þess að íhuga og undirbúa einstök mál. Svo getur bæjarstjórn falið bæjarstjóra og bæjarráði eða einstökum bæjarfulltrúum athugun og undirbúning einstakra málefna.

28 Rétt er bæjarstjórn að taka til umræðu og ályktunar, þótt nefnd, bæjarstjóri eða
11. marz bæjarráð hafi það til meðferðar, eftir þeim reglum, sem í fundarsköpum bæjarstjórnar segir.

5. gr.

Ef bæjarfulltrúi, kosinn í nefnd, forfallast eða getur ekki gegnt störfum sakir fjarvistar eða hans missir alveg við, þá tekur sæti hans varamaður samkvæmt þar um settum reglum.

6. gr.

Bæjarstjóra er rétt og skylt að sækja fundi fastanefnda þeirra, er hann á sæti í. Hann hefur málfrelsi og tillögurétt, en ekki atkvæðisrétt, nema hann sé jafnframt bæjarfulltrúi, enda láti lög ekki öðruvísi um mælt.

Rétt er að kjósa bæjarstjóra formann nefnda þeirra, sem í þessari grein segir.

7. gr.

Brunamálanefnd skipa 4 menn ásamt slökkviliðsstjóra eða í forföllum hans varaslökkviliðsstjóri. Tvo nefndarmenn má kjósa utan bæjarstjórnar. Nefndin skal hafa eftirlit með brunamálum bæjarins og slökkviliði og gæta þess að þar um settum reglum sé fylgt.

8. gr.

Byggingarnefnd skipa bæjarstjóri, sem er formaður hennar gildandi lögum samkvæmt, og 4 menn aðrir. Skulu tveir vera bæjarfulltrúar, en tveir utan bæjarstjórnar og tveir til vara. Byggingarfulltrúa er skylt að sitja fundi byggingarnefndar.

Byggingarnefnd annast byggingarmálefni bæjarins samkvæmt fyrirmælum laga og samþykktu um þau mál.

9. gr.

Hafnarnefnd skipa 3 bæjarfulltrúar og 2 menn utan bæjarstjórnar, annar úr tölu kaupmanna, en hinn úr tölu sjómanna.

Hafnarnefnd annast stjórn og framkvæmd hafnarmála, þar á meðal eftirlit með höfninni samkvæmt fyrirmælum þeim, sem um þau mál gilda.

10. gr.

Framfærslunefnd skipa 5 menn, er bæjarstjórn kýs. Jafn margir skulu kosnir til vara. Hún hefur á hendi stjórn framfærslumála samkvæmt gildandi lögum þar um.

Formanni barnaverndarnefndar er heimilt að sitja fundi framfærslunefndar og bera fram tillögur, er sérstaklega varða börn samkvæmt lögum um barnavernd.

11. gr.

Barnaverndarnefnd er skipuð 5 mönnum. Kjörtími barnaverndarnefndar er sá sami sem bæjarstjórnar. Bæjarstjórn kýs einnig 2 varamenn. Nefndin hefur á hendi eftirlit með uppeldi barna innan 16 ára aldurs, og vanþroska og veikra unglinga, sbr. lög um barnaverndarnefnd.

12. gr.

Fræðsluráð er skipað 5 mönnum, sem kosnir eru til 4 ára.

Fræðsluráð hefur umsjón og eftirlit með allri barna- og unglingafræðslu í bæn- um og öllu, sem þau mál varðar samkvæmt lögum.

13. gr.

Sóttvarnarnefnd er skipuð bæjarfógeta, sem er formaður hennar, héraðslækni og einum bæjarfulltrúa. Hún annast um sóttvarnir samkvæmt laga- og reglugerðar- ákvæðum þar að lútandi.

14. gr.

28

Heilbrigðisnefnd er skipuð bæjarfógeta, sem er formaður hennar, héraðslækni og einum bæjarfulltrúa. 11. marz

Hún skal sjá um, að heilbrigðissamþykkt bæjarins sé fylgt.

15. gr.

Bæjarráð skipa 3 bæjarfulltrúar, kosnir til eins árs í senn með hlutfallskosningu. Bæjarstjórn kýs 3 varamenn úr hópi bæjarfulltrúa eða varabæjarfulltrúa.

Ef bæjarráðsmaður forfallast eða hans missir við, tekur sæti hans varamaður á sama lista sem aðalmaður. Sé bæði aðalmaður og varamaður forfallaðir, geta flokkarnir látið varafulltrúa sína mæta í stað þeirra. Bæjarstjórn getur með einfaldri samþykkt ákveðið, að bæjarráð skuli skipað allt að 5 fulltrúum og 5 til vara.

Bæjarstjóri á sæti í bæjarráði. Má kjósa hann formann þess, enda hefur hann þar málfrelsi og tillögurétt, en atkvæðisrétt því aðeins, að hann sé jafnframt bæjarfulltrúi og kosinn í bæjarráð. Bæjarráð kýs sér formann og skrifara. Sá er rétt kjörinn, sem fær meiri hluta atkvæða. Ef tveir fá jöfn atkvæði ræður hlutkesti.

Bæjarráð skal halda fund að minnsta kosti einu sinni í viku, og jafnan þar að auki, ef bæjarstjóri, formaður bæjarráðs, ef hann er annar en bæjarstjóri, eða að minnsta kosti 2 bæjarráðsmenn óska þess. Fundur er lögmætur, ef meir en helmingur bæjarráðs sækir hann.

Afl atkvæða ræður úrslitum á fundum bæjarráðs.

Bæjarráðsmenn fá þóknun fyrir starf sitt, eftir ákvörðun bæjarstjórnar.

16. gr.

Bæjarráð hefur á hendi eftirlit með fjármálum bæjarsjóðs, undirbýr fjárhagsáætlun og ákveður bókhaldsfyrirkomulag. Það hefur á hendi, ásamt bæjarstjóra, umsjón með skipulagsmálum, vegagerðarframkvæmdum, endurbótum og hirðingu á vegum, holræsum og götulýsingu. Það hefur, ásamt bæjarstjóra, umsjón með vatnsmálum, svo og fasteignum bæjarins, og umsjón með öðrum eignum hans, sem ekki eru í umsjón annarra nefnda, samkvæmt samþykkt þessari, eða sérstökum samþykktum bæjarstjórnar.

17. gr.

Bæjarráði er jafnan heimilt að bera úrlausn mála undir bæjarstjórn og er skylt að gera það, ef ágreiningur er um einhver mál í bæjarráði og einhver bæjarráðsmanna óskar þess.

Bæjarráð getur falið einstökum bæjarráðsmanni eða mönnum rannsókn og undirbúning eða gæzlu einstakra mála.

18. gr.

Starfsmenn bæjarins eru þessir:

Bæjarstjóri, bæjarritari, bæjargjaldkeri, byggingarfulltrúi, heilbrigðisfulltrúi, framfærslufulltrúi, slökkviliðsstjóri, rafveitustjóri, hafnarvörður og aðrir fastráðnir menn, sem taka föst mánaðarlaun frá stofnunum bæjarins. Um launakjör starfsmanna fer eftir reglum, er bæjarstjórn setur.

19. gr.

Bæjarstjóri annast framkvæmdir á ákvörðunum bæjarstjórnar og nefnda, sem ráða málum til úrslita, nema þær séu öðrum faldar. Hann veitir forstöðu fjármálum bæjarins, ávísar útgjöldum bæjarsjóðs, hefur á hendi umsjón með stjórn á innheimtu bæjartekna og umsjón sérstakra sjóða í vörzlum bæjarins, hann sér um að gerðir séu reikningar hans og skýrslur um eignir og skuldir, hefur umsjón með stjórn bæjargjaldkera á bæjarsjóði og innheimtu tekna bæjarins og stofnana hans. Hann annast bréfagerðir bæjarstjórnar og nefnda og hefur eftirlit með starfsmönnum.

11. marz **28** um bæjarins og störfum þeirra. Bæjarstjóri skal sjá um að árlega sé samin tæm-
andi skrá yfir lausar eignir bæjarins, svo sem verkfæri, vélar, áhöld, efni og annað
þess konar, er beri með sér hvað keypt hafi verið á árinu, hvað notað og hvað farið
forgörðum.

20. gr.

Bæjargjaldkeri er jafnframt skrifstofustjóri á bæjarskrifstofunum og annast daglega afgreiðslu fyrir hönd bæjarstjóra, eftir því sem það er honum falið. Bæjargjaldkeri hefur einnig umsjón með innheimtu bæjartekna, nema það sé öðrum sérstaklega falið.

Ef bærinn hefur lögfræðing í þjónustu sinni, skal hann flytja mál bæjarins fyrir undirrétti, nema öðruvísi sé ákveðið.

21. gr.

Ársreikningar bæjarsjóðs og hafnarsjóðs skulu samdir fyrir maílok. Skulu endurskoðendur bæjarins síðan innan 4 vikna hafa lokið endurskoðun sinni á reikningunum.

Bæjarráð og hafnarnefnd gerir svo með ráði endurskoðenda tillögur um reikningana fyrir lok ágústmanaðar og skulu þeir síðan lagðir til úrskurðar fyrir bæjarsjórn. Reikningana skal síðar prenta.

22. gr.

Um skipun niðurjöfnunarnefndar, álagning bæjargjalda, gjalddaga og ábyrgð á greiðslu þeirra fer að lögum.

Ef bæjargjöld eru ekki greidd á gjalddaga, ber að innheimta þau svo fljótt sem kostur er, og með lögtaki, ef á þarf að halda.

23. gr.

Með samþykkt þessari er úr gildi numin samþykkt um stjórn bæjarmálefna í Vestmannaeyjum, nr. 112/1930.

Samþykkt þessi, sem bæjarsjórn Vestmannaeyjakaupstaðar hefur samið og samþykkt, er hér með staðfest til þess að öðlast þegar gildi.

Félagsmálaráðuneytið, 11. marz 1954.

Steingrímur Steinþórsson.

Hjálmar Vilhjálmsson.

17. marz **29** Staðfesting forsetans á skipulagsskrá fyrir „Afmælissjóð Jóns Jónassonar, bónda,
Ytra-Lóni“, útgefin á venjulegan hátt að mandatum af dómsmálaráðherra 17. marz 1954.

Skipulagsskráin er þannig:

SKIPULAGSSKRÁ

fyrir Afmælissjóð Jóns Jónassonar, bónda, Ytra-Lóni.

1. gr.

Sjóðurinn heitir Afmælissjóður Jóns Jónassonar, bónda, Ytra-Lóni.

2. gr.

Sjóðurinn er stofnaður í tilefni af sjötugsafmæli Jóns Jónassonar, 18. des. 1948, með framlagi afmælisgesta, að upphæð kr. 2980.00.